



**O Instituto de Estudos Miñoranos e a Entidade Local de Morgadáns convocan o VII Premio de Poesía Victoriano Taibo – Entidade Local de Morgadáns**

ao que poderá concorrer calquera autor que envíe, antes do 31 de xullo de 2014, ao enderezo **Apartado 30, 36380, Gondomar**

, un libro de poemas escritos en galego cunha extensión mínima de 300 versos. O premio está dotado con 3.000 €, unha peza escultórica do artista miñorán Fino Lorenzo, creada especialmente para este certame, e a publicación da obra premiada na colección *Victoriano Taibo*

do IEM; o galardón será entregado nun acto cultural que se celebrará no edificio das Escolas de Guillufe (Morgadáns) na 2ª semana de novembro do mesmo ano.

Pódense consultar as bases no arquivo adxunto{attachments}

As seis edicións anteriores acadaron importantes éxitos de participación e, nas obras galardoadas, de crítica. En todas seis a concorrencia estivo arredor dos 45 orixinais. Mentres na primeira, terceira, cuarta, quinta e sexta convocatoria o premio correspondeulle a unha obra individual (Carlos Negro con *Cultivos Transxénicos*, M<sup>a</sup> Goretti Fariña con *Devastacións dispoñibles*, Calros Solla con *Holocausto Zaoe*, e Conchita Álvarez Lebreo con *Distancias e Simetrías*, e Ramón Sandoval con *Territorios Estraños*, respectivamente) na segunda o xurado decidiu conceder o premio ex aequo aos poemarios *Cuarto Minguante*, do que era autora M<sup>a</sup> Carmen Caramés, e *Biografía da Multitude*, que resultou estar creado a dúas mans por Elvira Riveiro e Silvia Penas.

## Victoriano Taibo

Victoriano Taibo foi unha figura sobranceira nos dous primeiros terzos do século XX. Mestre de profesión, tivo unha importante actividade cultural e foi membro da Real Academia Galega e do Instituto de Estudos Históricos do Minho. Publicou en vida os poemarios *Abrente* (1922) e *Da vella roseira* (1925) e a obra narrativa *Da agra aberta, contos e lëndas* (1956); deixou inéditos dous volumes de poesía, *Abicedo* e *Cabrinfolas*, que foron publicados en 2008 por Follas Novas, edición dirixida por Armando Requeixo; ademais conta con abundante obra espallada en diversas publicacións tanto galegas como da emigración americana. No ano 2008 recibiu unha homenaxe en Morgadães, lugar onde exerceu a súa docencia durante 20 anos, organizada polo IEM, que con tal motivo reeditou *Da agra aberta* e publicou unha *Revista monográfica*

## **O IEM convoca ao VII Premio de Poesía Victoriano Taibo Entidade Local de Morgadães**

Escrito por Redaccion @valminorinfo

Martes, 22 Abril 2014 22:18

---

sobre o personaxe que recolle interesantes aspectos da súa vida e obra.